

景宋咸淳本李翰林集



卷之四

景文先生集

四

李翰林集卷第十

翰林供奉李白

餞送上

送張秀才謁高中丞

并序

單父東樓秋夜送族弟況之秦時凝弟在席

灞陵行送別

登黃山陵歆臺送族弟溧陽尉濟充汎舟起華

陰

送韓淮裴政孔巢父還山

送竇司馬貶宜春

送羽林陶將軍

送楊少府赴選

送程劉二侍御兼獨孤判官赴安西幕

送姪良攜二妓赴會稽戲有此贈

送賀賓客歸越

洞庭醉後送絳州呂使君果流澧州

送族弟單父主簿凝攝宋城主簿至郭南月橋

却回棲霞山留飲贈之

於宣州謝朓樓餞別校書叔雲

送陳郎將歸衡陽

送趙判官赴黔府中丞叔幕

宣城送劉副使入秦

送長沙陳太守二首

送張舍人之江東

金陵送張十再遊東吳

送紀秀才遊越

送薛九被讒去魯

送祝八之江東賦得浣紗石

涇川送族弟錞

送張遙之壽陽幕府

送裴十八圖南歸嵩山二首

江西送友人之羅浮

送楊燕之東魯

送蔡山人

送侯十一

南陽送客

送別

送友人入蜀

送別

送當塗趙少府赴長蘆

送方士趙叟之東平

送族弟凝之滁求婚崔氏

送梁公昌從信安北征

送張秀才從軍

送白利從金吾董將軍西征

奉餞高尊師如貴道士傳道錄畢歸北海

送賀監歸四明應制

江上送女道士褚三清遊南嶽

江夏送張丞

送李青歸南葉陽川

送舍弟

餞校書叔雲

尋陽送弟昌峒鄱陽司馬作

送王孝廉覲省

送郗昂謫巴中

賦得白鷺鷥送宋少府入三峽

江夏送張丞

送張秀才謁高中丞并序

余時繫尋陽獄中正讀留侯傳秀才張孟熊

一本張秀才

無孟熊二字

蘊滅胡之策將之廣陵謁高中丞余喜

一作希

子房之風感激於斯人因作是詩以送之

秦帝淪玉鏡留侯降氛氲感激黃石老經過滄海君

壯士揮金槌報讎六合聞智勇冠終古蕭陳一作張難

與群兩龍爭輝一作闕時天地動風雲酒酣舞長劍倉

卒解漢紛宇宙初倒懸洪溝勢將分英謀信奇絕夫

子揚清芬胡月入紫微三光亂天文高公鎮淮海談

笑廓妖氛一本無此二句採爾幕中畫一本作所期振雄畧戡難光殊

勲我無燕一作烟霜感玉石俱燒焚但灑一行淚臨岐

竟何云胡月一作古月

單父東樓秋夜送族弟況之秦時凝弟在

席

爾從咸陽來問我何勞苦沐猴而冠不足言身騎土

牛滯東魯况弟欲行凝弟留孤飛一鴈秦雲秋坐來

黃葉落四五北斗已挂西城樓滿堂送客皆惜別絲

桐感人絃亦絕

一本滿堂送客一句在亦絕字下

卷簾見月清興來

疑是山陰夜中雪明日斗酒別惆悵清路塵遙望長

安日不見長安人長安宮闕九天上此地曾經爲近

臣一朝復一朝白髮心不改屈平顛顛滯江潭亭伯

流離放遼海翼短天長去不窮聞弦虛墜下霜空聖

朝久棄青雲士他日誰憐張長公

灞陵行送別

送君灞陵行灞水流浩浩上有無花之古樹下有傷

心之春草我向秦人問路岐云是王粲南登之古道
古道連綿走西京紫闕落日浮雲生正當今夕斷腸
處驪歌一作黃鸝愁絕不忍聽

登黃山凌歊臺送族弟溧陽尉濟充泛舟赴

華陰

鸞乃鳳之族翱翔紫雲霓文章輝五色雙在瓊樹棲
一朝各飛去鳳與鸞俱啼炎赫五月中朱曦爍河堤
爾從汎舟役使我心魂悽秦地無草木一本作碧草南雲
喧鼓鞀君王減玉膳早起思鳴雞漕引救關輔疲人
免塗泥宰相作霖雨農夫得耕犁靜者伏草間群才

滿金閨空手無壯士窮居使人低送君登黃山長嘯
倚天梯小舟若鳬鴈大舟若鯨鯢開帆散長風舒卷
散一作與雲齊日入牛渚晦蒼然夕烟迷相思在何所
杳在洛陽西

送韓淮裴政孔巢父還山

淮一作準
政一作正

獵客張兔罝不能挂龍虎所以青雲人高歌在巖戶
韓生信英彥裴子含清真孔侯復秀出俱與一作雲
霞親峻節凌遠松同衾卧盤石斧冰漱寒泉三子同
二履時時或乘興徃徃雲無心出山揖牧伯長嘯輕
衣簪昨宵夢裏還云弄竹溪月今辰魯東門悵飲與

君別雪崖沒去鳥蘿逕迷歸人相思若煙草歷亂無
冬春

送竇司馬貶宜春

天馬白銀鞍親承明主歡鬪雞金宮裏射鴈碧雲端
堂上羅中貴歌鐘清夜闌何言謫南國拂劍坐長歎
趙璧爲誰點隨珠枉被彈聖朝多雨露莫厭此行難

送羽林陶將軍

將軍出使擁樓船江上旌旗拂紫煙萬里橫戈探虎
穴三杯拔劍舞龍泉莫道詞人無膽氣臨行將贈繞
朝鞭

送楊少府赴選

大國置衡鏡準平天地心群賢無邪人朗鑒窮情深
吾君詠南風袞冕彈鳴琴時泰多美士京國會纓簪
山苗落澗底幽松出高岑夫子有盛才主司得球琳
流水非鄭曲前行遇邁一作知音衣工羅剪綺繡一
悞傷千金何惜刀尺餘不裁寒女袞我非彈冠者感
別但開襟空谷無白駒賢人起悲吟大道安弃物時
來或招尋爾見山吏部當應無陸沈

送程劉二侍御兼獨孤判官赴安西幕

安西幕府多才雄喧喧唯道三數公繡衣貂裘明積

雪飛書走檄如飄風朝辭

一作道

明主出紫宮

一作紫宮出

銀鞍送別金城空天外飛霜下葱海火

一作旗

雲馬

生光彩胡塞塵清計日歸

一云功成幾日歸

漢家草綠遙相

待

送姪良攜二妓赴會稽戲有此贈

攜妓東山去春光半道催遙看若桃李雙入鏡中開

送賀賓客歸越

鏡湖流水漾清波狂客歸舟逸興多山陰道士如相見應寫黃庭換白鵝

洞庭醉後送絳州呂使君杲流澧州

昔別若夢中天涯或

一作忽

相逢洞庭破秋月縱酒開

愁容贈劒刻玉字延平兩蛟龍送君不盡意書及鴈

迴峯

送族弟單父主簿凝攝宋城主簿至郭南月

橋却迴棲霞山留飲贈之

吾家青萍劒操割有餘閑往來糾二邑此去何時還
鞍馬月橋南光輝岐路間賢豪相追餞却到棲霞山
群花散芳園斗酒開離顏樂酣相顧起征馬無由攀
於宣州謝朓樓餞別校書叔雲

棄我去者昨日之日不可留亂我心者今日之日多

煩憂長風萬里送秋鴈對此可以酣高樓蓬萊文章
建安骨中間小謝又清發俱懷逸興壯思飛欲上青
天覽明月抽刀斷水水更流舉杯消愁愁更愁人生
在代一作世不稱意明朝散髮弄扁舟

送陳郎將歸衡陽

并序一作春於南浦與諸公送

仲尼旅人文王明夷苟非其時聖賢低眉况僕之不
肖者而遷逐枯槁固誠其宜朝心不開暮髮盡白而
登高送遠使人增愁陳郎將義風凜然英思逸發來
下曹城之榻去邀才子之詩動清興於中流泛素波
而徑去諸公仰望不及連章祖之以序屬予一作序
雙起予